

И.Е. Винокуров
төрөөбүтэ 120 сылыгар

ААТЫН ҮЙЭТИТЭН



2016 сыл Нам улууһугар биллиилээх государственнай уонна политической деятель И.Е. Винокуров сылынан биллэриллибитэ. Сэрии кэмигэр уонна кэнниттэн саха норуотун аччыктааһынтан сиэттэрэн өлүүттэн—сүтүүттэн быһаабыт, саха интеллигенциятын национализмга буруйдааһынтан арагаччылаабыт саха саарына, чулуу киһибит Илья Егорович Винокуров буолар.

Республикаҕа уонна улууска бу үбүлүөйү тэрийэр комиссиялар былааннаах үлэни ыыталлар, онно республика уонна улуус бюджетыттан сөптөөх үп көрүлүннэ. Улуус киинигэр Илья Егоровичка аналлаах сквер оҥоһулар, Аппааныга культура киинэ тутуллуохтаах, уулуссалар өрөмүөннэниэхтэрэ, о.д.а.

Сайын И.Е. Винокуровка аналлаах улуус ыһыабын тэрийэн ыытарга, атын даҕаны мероприятияеларга аһыйаҕа суох үп—харчы ирдэнэрэ саарбаҕа суох. Ол иһин нэһиликтэринэн, тэрилтэлэринэн, учрежденияларынан, биирдиилээн дьонунан анал фондаҕа И.Е. Винокуров төрөөбүтэ 120 сылын тэрээһиннээхтик ыытарга ким төһө кыахтаабынан уонна бағалаабынан үп хомуллар.

Күндү дьоммут-сэргэбит! «Норуот күүһэ — көмүөл күүһэ!» диэни өйбүтүгэр-санаабытыгар өссө төгүл ылынан чулуу киһибит И.Е. Винокуров 120 сыллаах үбүлүөйүн үрдүк тэрээһиннээхтик, чаһылхайдык ыытыабын, хас биирдиигит манна тус кылаатын киллэрэригэр ынҕырабыт!

А.П. АТЛАСОВ,

«Нам улууһа» МТ баһылыга

Ю.И. СЛЕПЦОВ,

«Хатын Арыы нэһилиэгэ» МТ

баһылыга